



# KANGURA



100frw

N° 57

IJWI RIGAMIJE GUKANGURA NO  
KURENGERA RUBANDA  
NYAMWINSHI.

250fbu

FEVRIER II 1994

• NI NDE WISHE BUCYANA ?



- HABYARIMANA NAKORE AKAZI IGIHUGU CYAMUSHINZE
- NRA NA FPR ZIRITEGURA KUGABA IBITERO MU RWANDA
- ABANYAPOLITIKI BATAVUGA RUMWE  
NA HABYARIMANA BAHAGURUTSE NABI



Bimwe, isuei Indépendant

Editeur, Gisenyi-Info

Rédacteur et Distributeur, Gisenyi-Info

B.P. 19 Gisenyi B.P. 1312 Kigali Tél 75408

Tiré sur les presses de l'Imprimerie Nationale du Rwanda

Abonnement annuel : Rwanda : 5.000 FRW


Afrique : 12.000 FRW

Europe-Amérique-Asie : 25.000 FRW

Sur cpte BCR - 14273/14 Kigali



## IBIHE BIKOMEYE KU BANYEPOLITIKI BACU. NINDE WISHE BUCYANA GATABAZI YAZIZE IKI ?



Mu minsi ishize Kangura yigeze kwandika ko Perezida wa Repubulika azapfa mu kwezi kwa gatatu k'uyu mwaka. Abatareba kure baraduseka. Aha abareba aho inda yabo ireba gusa. Nyamara se abanyarwanda iyo bavuze ngo ukubise intumva aba ashaka shebuja ni ukuvuga iki ? None se umwanzi azica umugore wawe, umwana wawe, uvuge ngo wowe aragusize ? None se gupfa kwa Habyarimana kundi mushaka ni ukuhe ? Ukwezi twavuze niko kwapfuyemo Gatabazi, gupfamo Bucyana. None gushobora gupfamo Ngrumpatse uyobora MRND. Ubwo se Habyarimana azaba asigaye he ? Ese we na nubw ntarabona ko ibyo twanditse bifite imvano ? Nyamara aho kurira ngo runaka yapfuye, wakwishimira ko wamurinze umwanzi. Reka dutegereze uku kwezi gushyirwa, turebe ibindi bitambo. Ariko se habuze iki ngo abumva bumve, ababona babone ?

### GATABAZI yazize iki ?

Tutagiye kure, Gatabazi yazize Twagiramungu nkuko byemezwa n'umugore wa Nyakwigendera Gatabazi. Ubwo habaga mitingiri ya PSD i Butare, Gatabazi yavuze disikuru yababaje inyenzi. Twagiramungu aza kuyikemanga. Ngo disikuru nk'iyi ntaho itandukaniye na ya yindi Nsengiyaremye yavugiyeye ku Kibuye ivuga ko tuzohereza intarumikwa ku rugamba inyenzi nizatireka imirwano. Mwibuke ko Gatabazi yavuze ko inyenzi kimwe n'abandi bashakaga gufata ubutegetsi ku ngufu ko bajya babanza gusubiza amaso inyuma bakareba ibyabereye i Burundi. Ukuntu abatuye bahagurukiye rimwe bakamagana abashatse kubategekesha imbunda, ibyo byanababaje inyenzi nyinshi zayobotse PSD mu rwego rwo kwihishamo.

Muri PSD ni nde wari ufite inyungu ku rupfu rwa GATABAZI ?

Ngango Félicien niwe ushyirwa mu majwi. Higeze kuvugwa amacakubiri hagati ya Gatabazi na Ngango biturutse kuri raporo Ngango yahoraga akora buri muni ashinje Gatabazi ubusambo ndetse aza no kuyitangaza kuri Radiyo Rwanda. Ibyo byaje kuzana amakimbirane hagati ya Gatabazi na Ngango. Maze Gatabazi nawe atangira kubangamira inyungu za

Ngango ku buryo kuri Gatabazi ntiyifuzaga ko Ngango yaba Perezida w'Inama Nshinga Mategeko. Yari yaratangaje ko aho gutora Ngango yatoro Mbonampeka. Ku buryo Mbonampeka yari yaratangiye kwizera amajwi ane azava mu badepite babogamiye kuri Gatabazi. Abakora anketi rero nabo ntibagombye kuhirengagiza. Kimwe no kubaza abandi bakombozi batavugaga rumwe na Gatabazi bapfa ibyubutegetsi.

### Iminota ya nyuma ya GATABAZI.

Nkuko anketi zacu zibibereka, duherereye kubatangazwa n'umuryango wa Gatabazi, mwisomere uko byagenze. Hari mu ma saa tatu za nijoro, Twagiramungu aterefonu Gatabazi ngo bahurire mu nama kuri Méridien. Gatabazi yavuze ko ananiwe, Twagiramungu akomeza guhatiriza. Gatabazi yaje gusohoka ajyaye. Abo asanze muri icyo nama bamubwira ibintu yaje guhita yanga dore ko yababwiye ko bagomba kwerekanwa impapuro zisinywe n'ibice byombi byo muri PL. Kubera ko Twagiramungu yashyiraga imbere igice cya Lando akirengagiza icya Mugenzi. Ibyo byaje gutuma barakaranya maze inama ihagarara imaze iminota 35 gusa. Nibwo bese basohotse.

### Ikitumvikana kuri urwo rupfu.

Imodoka ya Minuar yagiye imbere hakurikiraho Twagiramungu, inyuma hajyaho indi modoka ya Minuar, Gatabazi akurikiraho. Bafashe umuhanda uganu mu muji uva ku Kacyiru, bageze ku Kimihurura, Gatabazi wari inyuma akata agana iwe. Ageze ku irembo bamurasira ku muryango amasasu menshi. Abari baherekeje Twagiramungu bumvise amasasu bahagarika shoferi wa Twagiramungu. Abibwiye shebuja amutera utwatsi

muri aya magambo "Twigendere sha, biriya birasanzwe muri Kigali".

Ubwo Minuar yabuze uko ihagarara, barakomeza no kwa Twagiramungu. Bageze mu rugo yihutiye gutelefona abayobozi ba PSD, Nzamuramba, ababaza niba urupfu rwa Gatabazi hari icyo rwabagoraho mu ishyirwaho rya Guverinoma. Bamubwiye ko ntacyo. Ko Gatabazi ntacyo arusha abandi bapfuye. Ubwo Twagiramungu yahise atangaza mu gitondo kare kare ko abayobozi ba PSD bamwemerereye gushyiraho Guverinoma. Ko ibyurupfu bitayibuza kujyaho. Ngaho namwe nimwibaze ayo magambo mwumvise kuri Radiyo Rwanda muri icyo gitondo ataranajya kureba umurambo ? Abakora anketi bagombye kugera kuri ibyo byose twavuze byabaye.

### Ikindi umuntu yakwibaza.

Abishe Gatabazi kuki bamutangirye ku irembo nyuma y'isaha asohotse agiye mu nama ? Ese ni nde wababwiye ko asohoka muri ayo masaha ? Kuki batari bamutangiriyemo mbere y'uko ajya muri icyo nama cyangwa mbere yaho bagategereza ko bikorwa atashye ? Gatabazi ajya gusohoka ngo aye mu nama, yabanje kuvugana n'Ambasaderi w'u Rwanda i Bujumbura, Uwibajije Sylvestre, amubwira ko icyo nama imuteye ubwoba. Ibyo byose bitwerekaga ko urupfu rwa Gatabazi ruhamye Twagiramungu n'inyenzi zo muri FPR. Ikiyabaje ni ijamba Twagiramungu yavuze ngo ubwo MRND yasabye ko muri disikuru Programu ye yazashyiramo imbabazi ku bakoze ibyaha bese mbere y'uko ubutegetsi bwa Twagiramungu butangira. Aha biragaragara ko vuba aha inyenzi zishobora kwica abantu benshi zitwaje ko hari imbabazi zizatangwa mu minsi ya vuba. Ni aha nyagasani. Ngo ijoro ribara uwariraye !

### NI NDE WISHE BUCYANA MARTIN

Mu gihe anketi ku rupfu rwa Gatabazi yo itarafutuka neza ngo Twagiramungu afatwe cyangwa se avuye abambari be bafatanije mu kwica Gatabazi, urupfu rwa Bucyana Martin rwo anketi yarwo iroroshye. Abamubwishe bese barazwi. Ni abakoraga imyigaragambyo ahitwa i Mbizi. Bose uko bangana bari aho bamwiciye ba-



rahari. Imodoka zabatundaga zirahari. Iyo tugira ubutegetsi bukora, ubu baba barafashwe. Usibye ko nibadafatwa tuzabifatira tukabihanira. Bucyana yafashwe mu ma saa tanu z'amanya, ahungira mu nzu iri kwa Nkundabagenzi, ku birometero 6 uvuye i Butare. Ubutegetsi bwose, bwaba ubwa Komini, ubwa Perefegitura bwarabimenye ariko kubera ko ari umugambi wari wateguwe kandi uzwi neza, ntacyo bwakoze mu gukiza Bucyana na murumuna we.

### Dore ibibabaje kuri urwo rupfu.


Bucyana igihe yari yihishe mu nzu yo kwa Nkundabagenzi, murumuna we na shoferi baje guhungira kuri Komini. Bajya mu idari (plafond). Imodoka zizwi na bese zikomeza gutunda abantu zibajyana kuri Komini kwica Bucyana. Abigaragambya bamaze kuba benshi bahisemo gutwika Komini ngo abarimo bahiremo dore ko bari batangiye no kuyisanya. Ibyo byose byaragaragaraga, bibonwa n'ubutegetsi bwose bwa Butare. Ngo Burugumesitiri yarahunze da ! Sekreteri we se wari wasigaye yakoze iki ? Murumuna wa Bucyana witwa Maurice yabonye bari buhire mu nzu ahitamo gusohokana na shoferi. Abigaragambya bahise babahuka babica urubozo bazi ko barimo kwica Bucyana. Umukazana wa Nkundabagenzi yaje kugera kuri Komini abwira abigaragambya ko abo bari kwica nta Bucyana urimo ko ahubwo Bucyana ari mu nzu kwa Sebukwe. Byari bimaze kuba mu ma saa sita n'igice. Bahise babica urw'agashinyaguro maze basubira kuri kaburimbo kwa Nkundabagenzi, basohora Bucyana. Nawe bamwica nkuko bishe Ndadaye. Baramushahura, bamuvanamo ijisho, ubwonko, inkoro. Umurambo we urebye barawushinyaguriye birengeje urugero. Nkuko bivugwa n'uwo mukazana wa Nkundabagenzi, ngo Bucyana bamuvanyemo amaso bamubwira ngo niyongere avuge ko ari maso. Ku buryo yanze kuvuga kurinda ashiramo umwuka. Maze wa mukazana wa Nkundabagenzi asohoka avuga ngo mbega ikigabo cyihangana ! Cyanze kuvuga kugeza igihe gipfiriye ! Ibyo bigaragaza ko abishe Bucyana bar hamwe n'uwo mukazana.

### Ni bande bamaze kumenyekana ?

Ku wa mbere, Bucyana yiriwe ashira sima ku mva y'umugore we wari umaze umwaka yitabye Imana. Hakaba hari abamunekaga babaza igihe

azatahira. Muri abo hari uwitwa Karangwa, umu PSD uba i Cyangugu. N'uwitwa Mariyana nawe uba i Cyangugu. Abo bantu ni bamwe mu bakurikiye gahunda za Bucyana. Uwitwa Serubyogo nawe yatelefonaga abo twavuze haruguru bamubwira aho Bucyana aherereye naho ageze. Hari imodoka y'umushinga PSA ikorera Minisiteri ya Nzamurambaho. Iyo modoka yakoze akazi ko gukurikira Bucyana kuva i Cyangugu kugeza aho yiciwe. Ibyo byose byemezwa naba bibonye batuye i Cyangugu. Dore ko uriya Mariyana we yanahunze akajya i Bukavu ho muri Zayire kugira ngo Bucyana apfe yahunze.

mbabaje Alexandre, umwarimu muri Kaminuzi, uwitwa Rutazigwa Ignace, abo bese bashinjwa n'abishe Bucyana, bakongera bagashinjwa n'umugore wa Nkundabagenzi. Ndetse na ya nkoramaraso y'umukazana we. Hari Pajero ya Projet PSA, iyo irazwi n'uware ayitwaye arazwi. Hari n'andi mamodoka menshi yatwaraga abicanyi ariko na nubu ubucamanza bwateye agati mu ryinyo. Ibimenyetso ku rupfu rwa Bucyana na murumuna we Maurice biragaragara kuri buri muntu wese ubishaka. Ubutegetsi nibutagira icyo bubikoraho abaturage bazakora icyo bifuzaga ko ubutegetsi bubakore. Yego Gatabazi arapfuye, Bucyana



I Butare ho abagize uruhari mu icyicwa rya Bucyana ni abantu bakomeye gusa ku buryo ishyaka PSD ryanze ko bafatwa. Kandi ibimenyetso bibahama. Dore ko abishe Bucyana bari batumwe kandi ni nabo barimo bashinja abo bese banze gufatwa. Nk'uwitwa Bihira Juvénal umucuruzi ukomeye, uwitwa Bashimiyiki nawe uzwi cyane ni Butare. Uwitwa Rya-

na murumuna we barapfuye, Ngirompatse nawe ashobora gupfa. Nkuko bigaragarira mu madisikuru ya Nzamurambaho. Ese ko yahise atangaza ko Gatabazi yishwe na MRND ko atarabwira uwishye Bucyana na murumuna we ? ngo ruriye abandi rutamwibagiwe.

NGEZE Hassan

### UBWANDITSI BWA KANGURA

NGEZE Hassan : Rédacteur en Chef  
 NYABYENDA Issa : Rédacteur en Chef Adjoint  
 SIMBIZI Stanislas : Journaliste  
 HITIMANA Noël : Journaliste  
 SIBOMANA NABANTU : Journaliste  
 HAKIZIMANA Joël : Secrétaire de Rédaction  
 Umubare w'ibinyamakuru byacapwe : 30.000 exemplaires  
 Igiciro cya nimero imwe :  
 - Mu Rwanda : 100 FRs  
 - Mu Burundi : 250 FRs



## PEREZIDA HABYARIMANA NIYEREKANE KO AGIFITE UBUBASHA.

Amateka y'isi atwibutsa ko kera mu baromani, iyo igihugu cyagwaga mu kaduruvayo nk'ako u Rwanda rurimo, uwari umukuru wacyo yakoraga uko ashoboye akakivana mu makuba. Dore ko abaturage ari we babaga bahanze amaso. Abarundi nibyo bita "kugarukira" igihugu.

kubera Perezida Habyarimana isomo. Aho ibihe bigeze, icyo abaturage bamusaba ni ugukora akazi igihugu cyamushinze, akareka kwishinga abanyapolitiki. Nibyo twakwita "prendre ses responsabilités". Perezida Habyarimana yanzwe buri gihe no gufata ibyemezo atinze. Yanabifata

ta nabo ntibagihembwa. N'abahe-mbwa ntibagihemberwa igihe.

Amahanga yarangije kudukurira inzira ku murima. Abanyarwanda bananiwe kumvikana ubwabo, nta n'igiceri na kimwe bazongera kudupimira. Cyokora abanyarwanda si twe twanze kumvikana kuko ntacyo dupfa. Abanyapolitiki bacu nibo batunaniye. Niba Twagiramungu, Agatha, n'Inkotanyi badashaka ko inzego z'inzubacyuho yaguye zijyaho, ikosa si irya Perezida Habyarimana. Ntibarinde rero kumutesha umutwe kuko burya uhagwa na mbere ari umuturage ukeneye amahoro. Perezida Habyarimana nakorane na Guverinoma yari isanzweho. Iterane igarure umutekano mu gihugu, irebe uko u Rwanda rumeze n'aho rugana. Agatha nakomeza kwigira ingare yitwaje ko ariwe ukiri Minisitiri w'Intebe bamuhe gasopo. Ibyo ari byo byose Perezida Habyarimana afite uburenganzira ahabwa n'itegekonshinga ryo gusezerera Minisitiri w'Intebe iyo yerekanye ubushake buke bwo kumvikana. Perezida Habyarimana ashobora kwaka ishyamba MDR undi Muminisitiri w'Intebe. Byaba ngombwa akava mu ba "pawa". Twagiramungu n'Agatha rero sibo kamara.

**Baretse abaturage bakitorera ababayobora!**

Umwijuto w'ikinonko ntumenya ko imvura izagwa. Amasezerano y'Arusha yagize ibibi n'ibiziza. Ku ruhanda rumwe yatumye intambara y'amasasu isa n'ihagarara. Abaturage bagira agahenge. Abari bashyamiranye nabo b'ubona akanya ko kwicara hamwe bashakira hamwe inzira y'amahoro. Ku rundi ruhanda, amasezerano y'Arusha yaheje rubanda ku micungire y'igihugu. Maze akigabiza uduco tw'abanyapolitiki bashishikajwe n'inda nini.

(Suite à la page 5)



Iyo igihugu cyajyaga mu byago, umukuru wacyo ntiyishingaga ay'abanyapolitiki. Yahitaga afata ububasha bwose bukajya mu maboko ye kugira ngo aregere abo ashinzwe kuyobora. Icyo gihe yitwaga "imperator" cyangwa se "Empereur" mu gifaransa. Ubwo bubasha buhanitse yabubabwaga kugira ngo aregere inyungu z'abaturage. Twavugaga nka Jules César i Roma cyangwa se Napoléon Bonaparte mu Bufaransa. Iyo igihe cy'amahane cyarangiraga, "Imperator" yasubizaga ubutegetsu rubanda bakishyiriraho abategetsu binuze mu matora. Ibyakorwaga n'abo bakurambere banadutanzwe kubona izuba muri demokarasi byagombye

nabwo ugasanga ntakikiramirwa. Aho u Rwanda rugeze ubu, Perezida Habyarimana ntiyari akwiye kwishinga ibyo abanyapolitiki barimo dore ko bahangayikishijwe n'inda zabo gusa. Ibiba byose amenye ko ariwe bizabazwa. Twagiramungu, Agatha, FPR bazaba bigaramiye.

Hari ibintu byihutirwa bitagomba gutegereza abanyamurengwe bamaze gusinda amasezerano y'Arusha. Abaturage bakeneye umutekano, bakeneye ibyo kurya. Abavanywe mu byabo n'inkotanyi bakeneye kucubiramo kuko imvura, imbeho, inzara bigiye kubatsinda ku gasozi. Abandi indwara zibageze kure. Abakozi ba le-

## IGITERO SIMUSIGA.

Inyenzu ngo zari ziteguye gutera mu mujyi wa Kigali tariki ya 01 Werurwe 1994. Icyo gitero cyaje guhagarikwa n'ibibera i Butare, dore ko ubu mu mujyi wa Butare hari inkotanyi 52 zavuye muri C.N.D. zikorera hamwe ubutumwa bwo gukorana n'abakombozi mu gutera akaduruvayo mu mujyi wa Butare.

Dufite ibindi bimenyetso ko vuba aha hari ibindi bitero bya FPR bizagabwa mu mpande zose za Kigali. Aha turavugaga uko mu Bilyogo mu ngo nyinshi ubu hacumbikiwe inyenzu zakuwe ku rugamba.

Dusabye abarebwa n'icyo kibazo bese kuba maso. Ntituzicwe urubozo. Aho inyenzu ziri ubu turahazi zishatse zacisha make.

NGEZE Hassan



## TWAGIRAMUNGU N'AGATHA BAHEJEJE IGIHUGU MU GIHIRAHIRO.

Baca umugani mu Kinyarwanda ngo igihugu kitica imbwa cyorora imisega. Twagiramungu, Agatha Uwilingiyimana n'Inkotanyi bakorana basanze imyaka itatu u Rwanda rumaze mu ntamba idahagiye, biyemeza kuruhira mu rwobo. Bahejeje igihugu mu gihirahiro bagambiriye ko abaturage basubiranamo. Maze ya ntambara y'amoko twababwiraga muri Kangura ikarota. Biteye isoni kubona ku nshuro ya kabiri, Perezida wa Repubulika abategereza kugira ngo hashyirweho inzego z'inzibacyuho yaguye, bakabura. Kandi aribo ba nyiri ubwite !

Iyo Twagiramungu atigira kagara, igihugu cyacu ntikiba cyararinze kuzahara bigeze aha. Amakuba u Rwanda rurimo rwayatewe n'abanyapolitiki bacu bitwaye kinyoni, bakaba ibirumirahabiri. Berekanye ko imvugo yabo atari yo ngiro. Mundeberere namwe.

Rugenera Mariko bamushinze imari. Nawe ati gucunga umutungo ntawubindusha. Nyamara ukuri kwerekanye ko icyo azi ari ukwiyuzuriza imifuko. Ni muri urwo rwego yashatse kumira bunguri uruboho rw'amadorari ibihumbi magana ane (400.000), ni ukuvuga miliyari 60 z'amanyarwanda, umuhogo ukamubana muto. Ibyago bye ntibyaziye rimwe kuko guverineri wa Banki Nkuru y'igihugu yari maso,

(Suite de la page 4)

Abo banyapolitiki bageze aho bagera bumva ko badahari ntacyakorwa, ari nayo mpamvu bakomeje kwigira kagarara. Bibaye ibishoboka, guverinoma iriho yakomeza akazi kayo. Akaba ari nayo ifatanyije n'intumwa z'umuryango w'abibumbye ziri ino (MINUAR) itegura amatora. Bityo abaturage bakayoborwa n'abo bitoreye. Kandi niyo demokarasi. Gusa ikibazo ni uko bamwe batakwemera. Ku isonga hakaba hari FPR idakozwa amatora. Ntibatangaje kumva Tito Rutaremara yihanukira akemeza ko amatora atari yo demokarasi. Kuri we ngo ni uburyo abaturage babonye bwo gushyiraho cyangwa se guhirika abategetsi ! None se ubutegetsu si ubw'abaturage nyine ! Reka avuga atyo kuko amatora abaye, FPR itabona n'umujyanama wa Kominini. Kimwe n'andi mashyamba ayishamikiyeho nka PSD, na MDR Twagiramungu. Ibyo ari byo byose, amaherezo y'inzira n mu nzu.

Kangura.

akamuvana "amata" m kanwa. Nyuma ya Rugenera, hakaza Twagiramungu alias Rukokoma, alias igihangange, n'icyana cye, Agatha Uwilingiyimana.

Umwe ayobora Guverinoma yaheze mu cyuho, undi akiyitirira guverinoma itazigera ahari ibaho.



Agatha ni umukuru wa Guverinoma yacyuye igihe kandi akaba akomeje kwemeza ko agitegeka. Twagiramungu nawe agashaka gutegeka huti huti ariko ntabigereho. Muri make turi mu gihirahiro. Ibyo bise Guverinoma y'inzibacyuho yaguye urebye twayitangiye tariki ya 5 Mutarama 1994 igihe Perezida wa Repubulika arahira. Nyamara ni mu magambo gusa kuko izindi nzego z'ubutegetsu zitashoboye kujyaho. Turi mu cyuka. Mu mpapuro, inzego zacyuye igihe umunsi Perezida wa Repubulika arahira. Ni ukuvuga ko abadepite manda yabo yarangiye, kimwe na

Guverinoma ... ariko mu byukuri bitwa ko bagikora. Ku buryo ntawavugaga ngo kanaka ntakora cyangwa se arakora. Mu yandi magambo, igihugu cyarahagaze ! Mu rwego rw'ubucamanza ho ni ibindi. Nta byago nko kugira Perezida w'Urukiko Rusesa imanza ufite amakosa arusha ubukana ay'abo ugomba gucira urubanza. Abandi bavugaga ko afite amakosa nk'ay'ingurube.

Perezida w'Urukiko rusesa imanza ntako atagize ngo ahishe ubucamanza amadosiye y'amakosa ye. Ariko biba iby'ubusa, bagenzi be b'inyangamugayo barayatahura. N'ubwo bwose nta nama nshingamategeko twari twagira hari bamwe barangije kwigira abakuru bayo. Twavugaga bene

Ngango na Lando. Ubwo kandi niko tugifite Perezida w'Inama shingamategeko (CND) itakibaho, itanagikora dore ko aho yakoreraga inkotanyi zarangije kuhashinga ibirindiro.

Uwo mukuru w'Inama nshingamategeko itakibaho niwe kandi ugihagararira u Rwanda mu mahanga. Wagiye ngo niyo sura nziza u Rwanda rusi-

gaye rucungiraho yo kwereka amahanga ! Nyuma y'abo bose tukagira abarwanyani ba FPR rubanda ikomeje kwima amatwi. Cyokora bo ngo ntacyo bibatwaye kuko ... bazarwana ! Muri ako kaduruvayo kose, nta kuntu haburamo abitwa ko bubahiriza amahoro. Umuryango w'Abibumbye utwoherereza icyo wise MINUAR. General R. Dallaire ayirongozaga imbere, aho kubahiriza amahoro, abo basirikari cyane cyane inkotanyi z'ababiligi zigira ngo bazibwiye gufata Kigali. Bagaba ibitero sinusigira mu ngo z'abantu, ibyana bivanamo mugendo akenshi ku ngufu ... sinakubwiza. Minuar irakotana biratinda. Muri iki gihe, abavanywe mu byabo n'intambara baracyapfa ari benshi muri za bulinde, ibimuga by'intambara biribaza uko bizamera, abasabirizi bariyongera, inzara iranuma, macinya irarikorozza iyo za Kibuye. Abakozi ba leta nabo ntibakibona ka "sérum" kabo.

Ubwo niko amahanga areba ibyo dukora akumirwa ariko anaduseka. Ngo tuzabanze twumvikane abone kudufasha. Abanyapolitiki bacu badukundiye ! Abahoze ari ibisambo kabuhariwe n'abiganyu, nibo biyambitse uruhu rw'intama kandi ari ibirura. Ba Kagame, Lizinde, Bizimungu n'abandi bati "tubazaniye demokarasi n'amahoro". Abo bahakuye bakomeje nabo kurira no kwangara ku gasozi. Kuyavugaga siko kuyamara. Kandi ngo uko byagenze ibara umupfu.

Kangura.



Bakaba nta n'ubushake na buke bafite bwo kumvikana n'abo bamariye abana ku icumu. Ngo nibatabona ubutegetsu bazarwana ! Bazagerageze ...! Muri FPR ntiharimo impunzi z'abatutsi gusa, harimo abantu bakoze amarore-rwa ku butegetsu bwa Habyarimana bazwi. None bagarutse ari ba Kolone-ri-depite... intumwa za rubanda ! Abo ni ba Lizinde wishe agakiza agitegeka ibiro bikuru bishinzwe iperereza (SCR). Ni iki Lizinde atakoze muri iki gihugu ? icyo yashakaga ngo ni ukuba Perezida wa Repubulika ku ngufu. Iyo Habyarimana atamugirira imbabazi ntaba yarashwe kera nk'uko zari zaramuciriye ? Kanya-rengwe "chairman" ntiyari Colonel mu

ngabo, akaba na Minisitiri w'ubutege-tsi bw'igihugu ndetse n'uw'abakozi ba Leta ? Iyo adashaka imyanya y'ikire-nga hari icyo yari abaye ? Ukuntu abanyarwanda bamukundaga ndetse kurusha na Habyarimana ubwe ! None yageze mu "muryango". Ese wa musatsi we inyenzi zogoshesheje icupa muri za 60 igihe yari ahanganye nazo iyo mu Mutara waba warameze ? Azibaze yisubize.

Mu nama Twagiramungu amaze iminsi akorana n'abanyapolitiki kugira ngo barebe uko inzego z'inzibacyuho yaguye zijyaho, ishyaka MRND ryata-nze igitekerezo cy'uko abo bese ba-babarinwa.

Ababona ibintu uko bitari babibonamo ibindi. Ngo MRND irashaka ko Habyarimana na baramu be batakurikiranwa. Abakoze ibyaha muri iki gihugu cyane cyane abanya-politiki bacu bakurikiranywe, aho nti-twasubira Arusha ! Bose nibemere bajye muri penetensiya bongere birire nkuko bamye wa mugani wa wa wundi. Naho ubundi umuntu yabacira wa mugani wa Yezu bamuzaniye umugore w'umusambanyi. Yezu yabwiye abari bamushoreye ati "utari yabikora muri mwe namutere ibuye". Ntawamenye aho banyuze !

KANGURA

## GOUVERNEMENT BURUNDAIS MIS EN PLACE LE 9/2/1994 ET REMANIE LE 11/2/1994

Nom et Prénom	Ministère	Parti politique	Province d'origine	Appartenance ethnique
<b>NTARYAMIRA Cyprien</b>	Président	FRODEBU	Bujumbura R	Hutu
<b>KANYENKIKO Anatole</b>	1er Ministre	UPRONA	Ngozi	Tutsi
1. CIZA Bernard	Planif. du Dvt/Reconstr.	FRODEBU	Bururi	Hutu
2. NGENDAHAYO Jean M.	Rel. extér. et coop.	FRODEBU	Ngozi	Tutsi
3. NYANGOMA Léonard	Intérieur et secur. publ	FRODEBU	Bururi	Hutu
4. TOYI Salvator	Finances	FRODEBU	Muyinga	Hutu
5. FYIROKO Gédéon	Défense	Sans	Ngozi	Tutsi
6. DWIMA B. Fulgence	Justice, garde des sceaux	FRODEBU	Bururi	Hutu
7. MANWANGARI J.Baptiste	Administr. du Territoire	UPRONA	Muyinga	Tutsi
8. NAHIMANA P. Claver	Agriculture	FRODEBU	Ngozi	Tutsi
9. NDIIMURUKUNDO Nicéphore	Enseignement de base	UPRONA	Muramvya	Tutsi
10. NGENDAHAYO Liboire	Enseignement sec et sup	FRODEBU	Kayanza	Hutu
11. BAKEVYUMUSAYA Vénérand	Travail et for.prof.	FRODEBU	Gitega	Hutu
12. BUKURU Margueritte	Fonction Publique	UPRONA		Tutsi
13. NIYONSABA Ambroise	Dvt communal	UPRONA	Bururi	Tutsi
14. NZEYIMANA Joseph	Commerce & Industrie	RADDES		Tutsi
15. CIZA Onesme	PME et Tourisme	FRODEBU		Hutu
16. KABUSHEMEYE Ernest	Energie et Mines	RPB	Muyinga	Hutu
17. NIYONKURU Shadrak	Transport, PTT	PP	Bururi	Hutu
18. NYAMAWANA Léonidas	Travaux Publics et equip.	PRP		Tutsi
19. NTIHABOSE Salvator	Amenag. Terr. Environnement	FRODEBU	Rutana	Hutu
20. SIMBIZI Cyriaque	Communic. Porte.par.Gvt.	FRODEBU	Ruyigi	Tutsi
21. NGENDAKUMANA Issa	Droits de l'Homme et ref.	FRODEBU		Hutu
22. MINANI Jean	Santé Publique	FRODEBU	Ngozi	Hutu
23. MINANI Emilienne	Action soc. prom. femme	FRODEBU		Hutu
24. RUGAMBARARA Alphonse	Cult. Jeunesse et Sport	INKINZO		Tutsi
25. NIKOBAMYE Gaëtan	Refor.Inst. et rel/Parlem.	PL		Hutu
26. NGENDAKUMANA Jacques(1)	Reconstr.	FRODEBU	Bujumbura R	Hutu
27. NTAMOBWA Antoine(1)	Coopération	FRODEBU		Hutu

(1) Ministre Délégué

Nombre de Hutu : 17 dont le Président  
 Nombre de Tutsi : 12 dont le 1er Ministre  
 Nombre de Twa : 0  
 FRODEBU: 17  
 RPB : 1  
 PL : 1  
 PP : 1

Bubanza : 0 UPRONA : 5  
 Bujumbura R : 2 RADDES : 1  
 Bujumbura V : 0 INKINZO : 1  
 Bururi : 5 PRP : 1  
 Cankuzo : 0 SANS : 1  
 Cibitoke : 0  
 Gitega : 1

Karuzi : 0  
 Kayanza : 1  
 Kirundo : 0  
 Makamba : 0  
 Muramvya : 1  
 Muyinga : 2  
 Ngozi : 3  
 Rutana : 1  
 Ruyigi : 1



## UBURUNDI BUDUSANZE MU KADURUVAYO BUKADUSIGAMO .

Umucuranzi wo muri Afurika y'epfo Luck Dube niwe uknze kuvuga ngo "punish all the killers". Mu kinyarwanda twavugaga ko abicanyi bose bagomba guhanwa. Uwo muhanzi aba ashaka kuvuga akarengane k'abirabura bo muri Afurika y'epfo bakomeje kwicwa urubozo n'abazungu, ntibakurikiranwe. Ariko se ubundi bakurikiranwa na nde ko uwo barega ariwe baregera ?

Niba abicanyi bose bahanwaga, Liyetenza Koloneri Jean Baptiste Bikomagu umukuru wa Etat-Major y'ingabo z'u Burundi na bagenzi be bafatanyije kugandagura abaharaniye demokrasi mu Burundi, ntibababakomeje kwidagurira.

Ishyamba FRODEBU, abatutsi b'i Burundi bariciye umutwe ariko igihimba kiracyahari. Iryo shyamba barivukije intwari nka Ndadaye, Karibwami n'abandi ariko ntibariciye imizi. Abo bagizi ba nabi bakurikije inama ya mukuru wabo, Michel Micombero wigeze kuvuga ngo iyo ushaka guhambura umuba w'inkwi, uvanamo urukwi rumwe rumwe. Mu yandi magambamo, icyo Micombero yashakaga kuvuga ni ukubwira abatutsi bene wabo ko niba bashakaga kumara abahutu bagomba guhera ku isonga. Ni ukuvuga abize bajijutse. Kandi kugeza ubu, iyo gahunda abenshi babatije "Plan Arthémon Simbananiye" yagiye ikurikizwa umurongo ku wundi. Ibyo aribyo byose ntiwakwicwa abahutu ngo ubamare. Bikomagu yagandaguye Ndadaye na bagenzi be akeka ko FRODEBU itazongera kubutsa umutwe. Ntiyatinze kubona kubona ko yibeshye. Perezida wa Repubulika, Cyprien Ntaryamira ni umuhutu w'umu FRODEBU. Perezida w'Inama nshingamategeko Sylvestre Ntibantunganya nawe ni intarumikwa y'umu FRODEBU.

Guverinoma ya Minisitiri w'Intebe mushya, Anatole Kanyenkiko, yatangaje ku wa kane tariki ya 10/2/1994 ifite isura ya FRODEBU. Urebye neza ntaho itaniye n'iyari isanzweho. N'ubwo bwose Minisitiri ziyongereye, zikava kuri 21 zikagera kuri 24, Minisitiri zikomeye ziracyari iz'aba Frodebu.

Minisitiri y'Ubutegatsi



bw'igihugu yahawe Léonard Nyangoma asimburira Nyakwigendera Juvénal Ndayikeza. Abazi Nyangoma bavugaga ko ari umu Frodebu w'umu "pawa". Ku buryo twakwizera ko atazarangara. Uretse n'ibyo, Minisitiri w'Intebe, n'ubwo bwose ari umututsi wo muri UPRONA afite umunyarwandakazi w'umuhutukazi. Tukizera ko azajya amugira inama.

Indi Minisitiri ikomeye ni iy'ububanyi n'amahanga n'ubutwererane. Iyo Minisitiri yahoze iyoborwa n'intarumikwa Sylvestre Ntibantunganya yagabiye Jean Marie Ngendahayo, wari Minisitiri w'Intangazamakuru akaba n'umuvugizi wa Guverinoma. N'ubwo bwose ari umututsi wo mu bwoko bw'abami, ni umu Frodebu ukomoka muri porovinsi ya Cibitoke. Akaba abariwaga mu baharaniye cyane ishyamba Frodebu.

Minisitiri y'ingabo (yo kwivuna abansi) yavuye mu maboko ya Lt-Colonel Ntakije Charles, bayihaga Colonel Gédéon Fyoko. Twizere ko atazagambana na Bikomagu ngo bongere bagandagure abategatsi abatunguye bongeye kwishyiriraho.

Minisitiri y'ubutabera iracyari mu maboko y'umu Frodebu wabaye impunzi Fulgence Dwima Bakana. Minisitiri y'Imari yahawe Bernard Ciza, umu Frodebu w'i Bururi.

Icyo umuntu yavuye kuri Guverinoma yatangaje na Minisitiri w'Intebe, Anatole Kanyenkiko ni uko igizwe ahanini n'abahutu b'impanzi abenshi bize kandi bakaa igihe kinini mu Rwanda. Duhere kuri Perezida wa Repubulika, Cyprien Ntaryamira. Yize amashuri yisumbuye i Ririmu (Bugesera) akomereza muri Kaminuza y'u Rwanda i Butare. Minisitiri w'Intebe nawe n'ubwo ari umututsi, afite umunyarwandakazi w'umuhutukazi. Perezida w'Inama ishingamategeko Sylvestre Ntibantunganya, yize iby'indimi muri Kaminuza i Butare. Minisitiri w'uburezi, Liboire Ngendahayo, yabaye nawe mu Rwanda ari impunzi. Minisitiri w'ubutabera, Fulgence Dwima Bakana, yabaye impunzi i Kinshasa, agarutse mu burundi vuba aha. Salvator Toti, Minisitiri w'Imari yabaye mu Rwanda igihe kirekire. Abenshi mu muzi muri Minisitiri y'imigambi ya Leta, no mu Biro by'igihugu byiga imishinga (BUNEP).

Kuba abategatsi bakomeye b'i Burundi abenshi ari impunzi z'abahutu babaye mu Rwanda nibyo bikomeye kurya abatutsi b'i Burundi. Ngo kuva kera nta gihe batagize ubwoba ko u Burundi bwazategekwe n'umuhutu w'umurundi wabaye impunzi mu Rwanda. Iyavuzwe rero ryarashyize. Nibabwire Bikomagu yongere "akomagure". Azageza ryari ?



nta "abusolusiyi" yahabaye ! Nibibuke ko icyo gihe bari muri "demokarasi resiponsabule" yaririmbwaga na Habimana Bonaventure. Iyo demokarasi ishyiriraho umuturage inzitizi zitera icyo n'iki demokarasi isesuye : umunyarwanda wese yavutse ari muri MRND yewe n'uwari yarayitanze kuvuka, kuniga ibitekerzo, politiki yose ikorerwa muri MRND. Intumwa za rubanda zemerwa kandi zikamamazwa na MRND. Ku mwanya wa Perezida wa Repubulika hiyamamazaga umukandida umwe rukumbi ari we Perezida wa MRND. Iyo utwo turingushyaho twa MRND ya kera udutekerejeho, wakwibuka "coup d'état" yo mu w'1973, usanga amatora yose yabaye mu Rwanda, cyane cyane aya Perezida wa Repubulika, bwari uburyo bwo kwereka abanyarwanda ko bagikomeje kwishyiraho nk'uko babigenje bagitangira. Nyamara demokarasi nyayo iha umuturage uburenganzira bwose bwo guhitamo. None se umukandida yari kumara kuba umwe umunyarwanda agahitamo nde akareka nde kandi na konseye yarabaga ahagaze ku gasanduka k'ntora arekereje abatora ibara ry'ikijuru !

Niba tugana iya demokarasi isesuye koko nidushishoze, turebe niba tutibeshya amayira. Ibihugu duhana imbibi bitubere urugero. Dore Perezida Buyoya yakoresheje amatora agifite ubutegetsi bwose bwaba ubwa gisirikari cyangwa ubwa gisiviri. Babandi bakunze kubeshyera abaturage ngo ni injiji, ngo ntabazatora neza kubera ko nta nziba cyuho yahabaye, babonye ko bibeshyaga. Duhereye ku kintu cy'uko umubare w'abanyarwanda batize ungana n'uw'abarundi, twavugaga ko abaturage bombi bajijutse. Ndetse urebye kudashyiraho inzibacyuho biri mu byo Buyoya yazize. Kuko yari gushyira amashyaka muri guverinoma noneho akayagonganisha maze akareka abarundi ko ayo mashyaka ariyo azambya ibintu, ubwo icyizere abaturage bari bayafitiye

kikagabanuka. Yazize kutareba uko abandi bakuru b'ibihugu babigenza.

Intego idakuka y'imishyikirano y'Arusha ni ukugabana ubutegetsi, abari hanze n'abari mu gihugu bakanganya. Nibimara kugerwaho abanyapolitiki bazitwaza rya jambo bifashisha kugira ngo banige demokarasi ari ryo "abaturage". Nta soni bafite bazavugaga ko abaturage bemeye iyo mushyikirano. Abantu batageze no kuri 500 ni gute bazaba bahagarariye abanyarwanda bose?

Harya ngo ni Guverinoma y'u Rwanda ! Demokarasi isesuye na yo ntiyemera kuko uwayishyizeho ari wa wundi kandi itemera. Nimusigeho kuroha Abanyarwanda. Ubwo butegetsi nibujyaho ntaho buzaba butaniye na "coup d'état" yo mu mwaka w'1973. Uburyo buratandukanye ariko bwose ni ubutegetsi bwimirije imbere igitugu. Ubihakana wese aracyasinziye

kuko aramutse ahumutse akarora i Burundi yasanga nta nzibacyuho, yewe habe n'iy'umunsi umwe yabayeho. Ariko se uwari ku butegetsi byamubujije kubona koabaturage batamushaka ! Niba Inkotanyi zitinya rubanda nyamwinshi zizabibaze Imana kuko ariyo yayigize nyinshi mu Rwanda. Twe dukunze gutanga urugero rwa Leta Zunze Ubumwe z'Amarika, igihugu cyakataje imbere muri demokarasi, ariko abazungu akaba aribo biganje mu butegetsi kurusha abirabura. None Inkotanyi zirashaka iki kindi ko n'abadutoza demokarasi icyo kintu bacyemera ?

Iyo usomye ibitekerezo inyenzi zinyuza mu binyamakuru, usanga uwo zitera ari Habyarimana. Buri wese ahita yibaza impamvu zatangiye zishakira Perezida mu bihuru bya parc y'Akagera n'ahandi hose muri Byumba na Ruhengeri. Aho zitera zizi neza ko nta wuhaba. Niba adahari rero abo zishakira kwica ni abaturage nta kindi. N'aho ubundi demokarasi ntizanzwa n'imbunda. Icyo Abanyarwanda bashobora

kuba bemera ni uko impunzi zataha maze zikifatanya n'abandi banyarwanda mu gutanga ubutegetsi buzabakorera. Biramutse bitagenze bityo, Abanyarwanda bazamanuka mu mihanda, basaba amatora ya vuba. Dore ababyeyi babiri biteguraga kujya mu muni mukuru bibese mu mbere barakenyera, baritera. Muri bo, umwe yari agifite umutima wibuka umuco nyarwanda. Noneho mugenzi we aramubaza at : "ese ko utambaye ikariso ?" Aramusubiza at : "nta wamenya hari ubwo muri uriya muni mukuru dushobora kuvuza impundu". Abavugaga ko bahagarariye abanyarwanda Arusha nabo nibashishoze biyumvishe imiterere y'aho ayo masezerano azashyirirwa mu bikorwa. Nibasanga haeavugaga impundu bazasabe ibizungerezi gutahuka byambariye umunsi mukuru nyarwanda nyir'izina.

**Bahagurutse bafoye,**  
**barashe Ikinani barahusha,**  
**basigara badandabirana.**

Demokarasi isesuye isesura uburenganzira bwo kutaniganwa ijamba. Aho hantu abanyamakuru bo mu Rwanda Habyarimana yarahaduhaye maze turisanzura. Ariko hari abavugaga ngo birakabije. Oya, ijagata mu ntangiriro hose rirahaba, noneho ibinyamakuru bikomeza kwandika ubusa n'amahomvu bikabura abasomyi. Iyo bibabuze biva mu nzira. Niko byagendekeye ibinyamakuru birenga 50 byakorera mu Rwanda mu myaka ibiri ishize. Iyo ufite uburenganzira bwo kugaragaza ibitekerzo ukabukoresha nabi ni wowe uba wihemukira. Icyo abaturage baba bashakira ni ukuri. Iyo bata kubonye baraguhunga. No ku mashyaka atavugisha ukuri ni ko bigenda. Nyamara ukuri kudafite ingamba zihamye nako nta cyo kumaze. Amashyaka atavugaga rumwe n'ubutegetsi bwa Habyarimana yahagurutse nabi. Ukuri yagiye yamamaza muri mitingiri kwari gushingiye gusa kukurwanya umuntu umwe : Perezida Habyarimana Byari kuba byiza iyo barwanya imikorere y'ubutegetsi umuntu



akamwihorera. Iyo ngingo amashyaka yayihuriyeho na FPR noneho yibagirwa ko gufatanya n'Inkotanyi ari ugushyigikira ubundi butegetsi bw'igitugu. Iryo kosa nyakwigendera GAPYISI yari yararibonye kuva kera : "ntitwarwanya ubutegetsi bw'igitugu bwa Habyarimana ngo dushyigikire ubw'imbunda bwa FPR". Yabaye nk'uwerekana ko abarwanya Habyarimana gusa bashobora kwemera ubundi butegetsi bw'igitugu ariko butayobowe na we.

Maitre MBONAMPEKA nawe aherutse kutubwira at : "ubuyobozi bwa PL nabusabye ko busobanurira abanyarwanda niba FPR ari ingufu z'agakiza cyangwa se ari umutwe utera igihugu

wifashishije intwari". "Niba bwemera ko ari ingufu z'agakiza tuzasaba abanyarwanda kuyishyigikira naho niba yica abanyarwanda, ikaba itera igihugu tuzasaba abanyarwanda guhuriza hamwe maze bayirwanye bashikamye". Komite nyobozi ya PL yiyeje Maitre Mbonampeka ko igiye kwiga icyo kibazo ikamuha igisubizo gihamye ariko kugeza na nubw'aracyategereje. Hagati ngaho ngo ishyamba ryaba rigiye kumwirukana. Maitre Mbonampeka ari mu barangije kubona ko kurwanya umuntu ntacyo bivuze ahubwo igifite ireme ni ukurwanya uburyo uwo muntu akoresha n'igisa nabwo cyose.

acyemerwa, imiheto arayifora, arashe Ikinani arahusha none ubu aradandabirana. Niyo mpamvu ubu arimo gusubiranamo ku buryo budindiza "comité de concertation". Muri MDR ubu barasubiranamo mu buryo buteye isoni bitwe n'uko hari abacyumva ko bagomba kurwanya Habyarimana ariko bagakorana n'Inyenzi, n'abashaka kurwanya ubutegetsi bw'igitugu bwose bw'aba ubw'Inyenzi cyangwa ubwa Repubulika ya kabiri.

Uko biri kose, abanyapolitiki badashyigikiye ubutegetsi bwa Habyarimana bahagurutse nabi, babura icyerekezo, none ubu baragonganira mu kirere.

Amashyaka yabaye

NYABYENDA Issa.

## ABAKOMBOZI BARATEZA UMWUKA MUBI MURI SUPEREFEGITURA YA NYABISINDU.

Superefegitura ya Nyabisindu igizwe n'amakomini ane. Hari Nyabisindu ' Rusatira, Ntyazo na Muyira yose yo muri Perefegitura ya Butare. icyicaro cyayo kiri i Nyanza (Komini Nyabisindu).

Iyo Superefegitura itegukwa n'umu nyacyangugu (abandi bavugaga umu shi), Kayitani Gaëtan. Bagenzi bacu bo muri Kinyamateka niba kera bari bafite inyandiko bitaga «Bazumva ryari?» Iyo nyandiko yashyiraga ahagaragara amakosa yaba abategetsi cyangwa se abandi bantu bigize indakoreka bibwira ko ijisho rya rubanda ritabareba.

«Bazumva ryari?» yavuyeho, hadu ka «kombori bombori». Cyane cyane iyo hari ibitagenda neza aha n'aha. Turavuye tuti «abatutsi (b'abakombozi) bo muri superefegitura Nyabisindu bazumva ryari?», badu samira hejuru ngo turashotorana. Nyamara icyo tugamije. Ntawe dushaka gutungira agatoki. Ni ukuri kwambaye ubusa dushaka kugeza ku basomyi bacu cyane cyane abo muri superefegitura ya Nyabisindu kuko icyo nkuru twayihagazeho. Abatutsi bo muri PSD, batuye muri superefegitura ya Nyabisindu bakomeje guteza akadurukwayo (bombori bombori) muri ako karere. «Bazumva ryari» ko abanyarwanda bese bangana, ko igihugu atari icya-

bo bonyine, ko abanyarwanda bakeneye kubana mu mahoro ?

### MUTI KAGIRE INKURU.

Umugabo Muganza Stanislas agize atya akuraye i Gikongoro n'i Kinkanka muri Rusatira ngo ba ! Emwe agira n'inama abona akazi muri Isar yitwaje mu mufu ka «impamya bushobozi» y'umyaka itatu y'amashuri yisumbuye. Ashyamba gupima ikirere. Aza gutanga ruswa, Isar aba arayitaye aza muri Ocir cya kigo gishinzwe ibihingwa ngenga bukungu. Amaze kugwiza inoti, Muganza yirara mu baturage b'i Rusatira, abafatanyaga n'ubujiji, atangira kugura amasambu yabo kuri make. icyo gikorwa cy'uburiraganya yaje kugipfa na Burugumesitiri wa Komini Rusatira Nyawenda Esdrone wamubuzaga guhuguza abaturage ashinzwe kuyobora. Amatiku atangira ubwo.

Muganza (icyo gihe wari umurwanashyamba ukomeye wa MRND) ashakaga guhirika Burugumesitiri Nyawenda yifashishije uwahozeho ari Perefe wa Butare, Temahagari Justin, akaba na muramu we. Muganza akururira amatiku ngo Burugumesitiri Nyawenda abitse intwari zo kuzamarisha abatutsi bo muri Rusatira. Hagati aho wa

murwanashyamba wa MRND ari we Muganza yari yahindutse u mukombozi kubera nyine amaco y'inda. None OCIR ntiyari imaze gushyikirizwa abakombozi !

Uko byagenze ibara umupfu. Bu rugumesitiri Nyawenda wari umaze imyaka 17 ari indakemwa, bamujugunya muri superefegitura ya Ruhango i Tambwe. Hagati aho Perefe wa Butare, Habyarimana akora iperereza muri Rusatira, asanga Burugumesitiri Nyawenda arengana. Bamubwira i Tambwe muri superefegitura ya Ruhango bamuzana i Nyabisindu kuri superefegitura, aho ari na nubw. Muganza na bagenzi be bashyamba ubwoba ngo Burugumesitiri Nyawenda wahoze ayobora Komini Rusatira, ubwo ageze kuri Superefegitura ya Nyabisindu agiye kuba superefe. Tracts ziracicikana ngo superefe Kayitani Gaëtan, Nyawenda Esdrone n'umunyamakuru wa RTLM, Habimana Kantano ukomoka i Mu yira bafite umugambi wo kurimbura abatutsi muri Komini Rusatira. Superefe Kayitani Gaëtan atumizwa inama y'umutekano kuri superefegitura i Nyanza. Nyawenda arisobanura, Muganza na bagenzi be cyane cyane Gatara yiha chef wa garage i Rubona bafatanyije kurya ibyuma bya Isar, baratsi-




ndwa. N'ubwo bwose Muganza yari yatinze kuhakandagiza ibirenge ! Ese ubundi yatinyaga iki ? Ubutegatsi buhita bushingana Nyawenda Esdron hamwe n'umuryango we ko nihagira icyo aba baza-

bibazwa. Abaturage ba superefegitura ya Nyabisindu cyane cyane aba Komini Rusatira bari bakwiye kwirinda impuha za Muganza na bagenzi be. Ntawufite umugambi wo gutsemba abatutsi muri Komini

Rusatira. Abo Muganza arimo gushuka arabahemukira nawe atiretse. Amenye gusa ko urucira mu kaso rugatwara nyoko !

Kangura.

## MBE TWAGIRAMUNGU POLITIKI IKUGEZE HE ?



## PEREZIDA HABYARIMANA ABANZI BARI BAMWIVUGANYE AKIZWA N'IMANA.

Nkuko twari twabitangaje ko Perezida HABYARIMANA ashobora gupfa mbere y'uko ukwezi kwa gatafu gushira, kuwa kane tariki ya 24 Gashyantare 1994, agatsiko k'abantu bazobereye ibyo kurasana kari gashatse kumwivugana akizwa n'uko atanyuze mu muhanda ako gatsiko kari kamutegeyemo.

Ubu inzego zishinzwe kurinda Umukuru w'Igihugu zabigize ibanga ku mpamvu zitazwi. Ntaturamenya icyo abafashwe batangaje ariko ntawashidikanya ko bari batumwe na F.P.R. yihishe inyuma ya TWAGIRAMUNGU.

Iyo nkuru tuzayibagezaho ubutaha nabyo bimaze gusobanuka. Ese ubundi kuki abo bicanyi bafashwe ntibatangazwe ?





## WARI UZI KO ABAYISILAMU BAGIZE 1/5 CY'ABATUYE ISI ?

Ku isi yose, abayisiramumu bagize 1/5 by'abayituye. Ni ukuvuga miliyari isaga. Hari imigabane imwe n'imwe ariko idini ya Islamu ifitemo abayoboke bake ku buryo usanga ari nk'idini ritazwi n'abaturage. Cyangwa se bakaba ari benshi ariko politiki ikorerwa mu bihugu bigize iyo migabane ikabakanda. Ubu ni ryo dini rya mbere ku isi rifite abayoboke benshi mu madani yemera Imana imwe ariko hari abagishidikanya. Nyamara abakurikiranira hafi iterambere ry'amadini, bemeza ko tuzatangira igisekuru cya 21 nta wugihakana uwo mwanya wa mbere. Muri Leta Zunze Ubumwe z'Amerika riraharanira umwanya wa gatatu inyuma y'amadini ya gikristu agabanyijwemo imitwe 220 yose, agafata umwanya wa mbere. Abayahudi bafite umwanya wa kabiri.

Muri iki gihe Leta Zunze ubumwe z'Amerika zifite miliyoni enye zirenga z'abayisilamu. Uwo mubare uruta uw'abayisilamu batuye Libiya. Mu mashyirahamwe y'amadini nyamerika, Islamu niyo itera imbere k'umuvuduko wa vuba cyane. Miliyoni zigera kuri eshatu zigizwe n'abayisilamu b'abimukira cyangwa ababakomokaho ba hafi, abakabakaba miliyoni ni abirabura bo muri Amerika bahisemo Islamu naho ibihumbi mirongo inani ni abazungu bayiyobotse. Ibyo biterwa ahanini n'uko imiryango y'abayisilamu ibyara cyane. Buri muryango bawugereanyiriza abana barenga 6.

Umubare w'abayisilamu uruta uw'amadini amwe ya gikristu ashinze imizi nk'irya aba "épiscopale" (miliyoni 2,5 z'abayoboke) n'aba "peresibiteriyani" (hafi miliyoni 3). Biramutse bikomeje gutyo, Islamu yaba mu minsi ya vuba ari ryo dini rya mbere ritari irya gikristu rikomeye muri Leta Zunze Ubumwe z'Amerika. Ndetse uwitwa Issa Smith, umuyobozi wungirije w'Inama nkuru y'Abayisilamu muri Amerika, yemeza ko mu myaka icumi iri imbere Islamu izaba yakuye idini ry'abayahudi ku mwanya wa kabiri rifite ubu bityo Islamu ibe ibaye iya kabiri mu gihugu. icyizere cya Issa Smith agitsindagira avuga ati : "abayoboke ba Islamu ubu turarenga miliyoni enye naho abayoboke b'idini y'Abayahudi ni miliyoni eshanu n'igice. Urabona ko tubegereye kandi tu-

kaba twiyongera ku buryo budasubirwaho".

Abayobotse Islamu bavuga ko abakunda idini ryabo, bamwe muri bo ari abashaka ikinyabupfura, abandi bakaba bishakira kumanya amateka". Mu gisekuru cya VII, intumwa Muhammad yahanuye amasengesho atanu ku munsu n'amategeko akena imirire iboneye. Abayisilamu bagomba kubahiriza amabwiriza agenga umuco n'imirire, bakirinda inzoga, ibiyobya, bwenge, ntibarye ingurube n'izindi nyama zose zitari "halal" ni ukuvuga zitabaze ku buryo bwemewe n'amategeko ya Islamu. Guhuza ibitsina mbere y'isezerano no mu buryo butari ubw'isezerano birabujijwe. Amahame y'iryo dini aboneka mu gitabo gitagatiye "Kor'an" abayisilamu bafata nk'ijamba mwimerere rya Allah nk'uko ryahishuriwe intumwa Muhammad.

Muri rusange, Leta Zunze Ubumwe z'Amerika zifite imisigiti n'amazu ndangamuco ya k'Islamu abarirwa mu gihumbi. Umusigiti munini cyane muri icyo gihugu ufite metero kare ibihumbi umunani, ubu umaze kuzura i New York. Muri Leta ya New York, New Jersey, na California niho higanje abayisilamu benshi muri Amerika.

Umwarimu wigisha amateka muri Kaminuza y' Massachusetts kandi ubuhanga bwe muri urwo rwego bukaba buzwi, uwo ni uwitwa Yvonne Haddad, aragira ati : "iterambere rya Islamu muri Leta Zunze Ubumwe z'Amerika rirerekana ko Abanyamerika badashobora gukomeza kwiyita umuryango yahudi-gikristu".

Intambara yo mu kigobe cya Perse yatumye abanyamerika babona umwanya wo kwibaza ku idini ya Islamu. Byatumye bene ubwite bahaguruka kugira ngo bahangane n'amagambo adafite ishingiro n'ibitekerezo bibi byerekezaga kuri Islamu. Abahanga mu bumenyi bw'idini baratumwe bajya gusobanura mu mashuri no mu kiliziya, na ba Imam (abayobozi) barushaho gutumirwa mu manama agamije ubworoherane bw'amadini.

Mu mwaka w'1991, ubwo hizihizwaga umunsi mukuru wa Iddi nkuru (umunsi w'igitambo), wabaye nyuma y'intambara mu kigobe cya Perese,

disikuru ya Perezida Bush yafashwe kuri videwo yakwirakwijwe mu bayisilamu b'Abanyamerika. "Inshoza (la notion) y'ubworoherane bw'amadini ifite umwanya munini mu ntego y'Abanyamerika". Yakomereje ku isengesho agira ati : "Icyo gihe abantu bo mu madini atandukanye bazabaho mu mahoro no mu bwigenge, hose ku isi".

Kuganira n'andi madini byatumye Abayisilamu babona umwanya wo gusobanura ingingo idini ryabo rihuriyeho n'indi mitwe y'amadini iboneka muri Amerika. Urugero : amategeko y'imirire ya kiyahudi n'aya kislamu ameze kimwe cyane ku buryo abayisilamu benshi babuze inyama halal bajya kugura inyama zibazwe ku buryo bwemewe n'idini y'Abayahudi.

Nyamara uvanyemo amategeko y'imirire n'imyambarire, abayisilamu bajya kubaho nk'abandi Banyamerika. Bikaba bishobora guha Islamu isura yihariye muri Amerika. Ingero zatangiyeye kugaragara mu misigiti imwe n'imwe aho usanga imikorere yayo igenda yegera iy'abakristu aho kumera nk'iyi muri Aziya yo hagati.

Imibereho y'abayisilamu n'imibereho isanzwe y'abanyamerika yibarutse ku ngufu ihinduka ridashobora gusubira inyuma. Abayisilamukazi bafite akazi ntibacyambara "Hijab", (tchador, bandiya) umwambaro uri mu rwego rumwe n'ivara. Amasengesho atanu ya buri munsu ntibabona uko bayubahiriza kubera akazi.

Nibyo, birashoboka ko mu myaka iri imbere, Islamu izaba ifite umwanya mwiza mu ruhando rw'andi madini aboneka muri Amerika. Ariko izaba ari Islamu icishije make, ituje, idafite ubukana nka ya yindi yamamajwe na Nyakwigendera Ayatollah Khomeini wo muri Iran. Ngo izaba ari Islamu iboneye abanyamerika nk'uko Gutbi E. Ahmed, umuyobozi w'ishyirahamwe mpuzamahanga rya kislamu abivugaga : "twageze ku ntambwe ns-hya kandi twasezereye kuba idini rifite akato kugirango duhinduke idini ry'abanyamerika babaho ubuzima nyamerika".

Nyabyenda Issa.